

Slysatrygging barna – Hópvátrygging

Vátryggingarskilmálar nr. SS50

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. SS50.
- Sameiginlegir skilmálar félagsins nr. YY10.
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga framur ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framur frávíkjanlegum lagaákvæðum.

Efnisyfirlit:

1. Vátryggður
2. Vátryggingin gildir
3. Hugtakið slys
4. Bótasvið
5. Sérstakar takmarkanir á bótaskyldu
6. Skyldur vátryggingartaka
7. Greiðsla iðgjalds
8. Endurgreiðsla iðgjalds
9. Vátryggingarfjárhæð
10. Ákvörðun bóta
11. Breyting á skilmálum á vátryggingartímabili
12. Framsal
13. Upphaf og lok vátryggingarverndar vátryggðs
14. Fyrning

1. Vátryggður

- 1.1 Öll börn að 18 ára aldri sem taka þátt í starfsemi þess félags sem kemur fram í vátryggingarskírteini eða endurnýjunarkvittun eru sjálfkrafa vátryggð.
- 1.2 Vátryggður getur ekki gert fyrirvara um þátttöku í vátryggingu þessari.

2. Vátryggingin gildir

Vátryggingin gildir við skipulagða starfsemi þess félags sem getið er um í vátryggingarskírteini eða endurnýjunarkvittun. Vátryggingin gildir einnig á eðlilegri leið til og frá heimili, að og frá þeim stað þar sem starfsemi félagsins fer fram og á ferðalögum innanlands á vegum félagsins.

3. Hugtakið slys

Með hugtakinu slys er átt við skyndilegan utanaðkomandi atburð sem veldur meiðslum á líkama þess sem vátryggður er og gerist án vilja hans.

4. Bótasvið

- 4.1 Félagið greiðir bætur vegna slyss er vátryggður verður fyrir, hvernig svo sem slysið ber að, hver svo sem á sök á því, ef það leiðir til:
 - 4.1.1 Andláts.
 - 4.1.2 Varanlegrar læknisfræðilegrar örorku.
- 4.2 Félagið greiðir slysakostnað vegna slyssins, þ.á m. kostnað vegna tannbrots. Slysakostnaður er eingöngu greiddur að því marki sem hann fæst ekki greiddur hjá Tryggingastofnun ríkisins.

Félagið greiðir ekki bætur vegna slysa sem verða:

- 4.3 Í bardaga-, glímu-, eða sjálfsvarnariþróttum þar sem tilgangur íþróttanna er að slá, kýla eða sparka til andstæðingsins eða takast á við hann á annan hátt.
- 4.4 Í akstursiþróttum.
- 4.5 Í bjargsigi, kletta-, fjalla- og ísklifri.
- 4.6 Í fjallgöngu af hvaða tegund sem er í yfir 4.000 metra hæð frá sjávarmáli.
- 4.7 Í köfun með súrefniskút og frikköfun (án súrefnis) á meira dýpi en 10 metrar.
- 4.8 Áhættu samkvæmt gr. 4.3 til 4.7 er hægt að vátryggja sérstaklega.
- 4.9 Í loftbelgs-, svífvængja-, dreka-, svíf-, fisvélaflugi og öðrum sambærilegum athöfnum.
- 4.10 Í teygjustökki, fallhlífastökki og BASE stökki og öðrum sambærilegum athöfnum.

5. Sérstakar takmarkanir á bótaskyldu

Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:

- 5.1 Jarðskjálfta, eldgoss, skriðufalls, snjóflóðs eða annarra náttúruhamfara.
- 5.2 Styrjaldar, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.

5.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

6. Skyldur vátryggingartaka

6.1 Vátryggingartaki skal halda skrá yfir vátryggð börn sem falla undir vátrygginguna.

6.2 Vátryggingartaki skal sjá til þess án ástæðulauss dráttar að vátryggð börn (forsjarmenn vátryggðra barna) fái afrit af vátryggingarskírteini, skilmálum þessum og sameiginlegum skilmálum félagsins.

6.3 Vátryggingartaki skal senda vátryggðum (forsjarmönnum vátryggðra barna sem falla undir vátrygginguna) skriflega tilkynningu um brottfall vátryggingar um leið og hið vátryggða barn fellur ekki lengur undir vátryggingaverndina.

7. Greiðsla iðgjalds

7.1 Iðgjald fyrir vátrygginguna fellur í gjalddaga þegar greiðsla þess er krafist. Iðgjaldið skal greitt af vátryggingartaka.

7.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 96. gr. laga um vátryggingarsamninga nr. 30/2004.

8. Endurgreiðsla iðgjalds

Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem vátryggingartaki hefur greitt fyrir og vátryggingin er ekki í gildi.

9. Vátryggingarfjárhæð

9.1 Hámarksfjárhæðir vegna andláts, örorku og slysakostnaðar koma fram í vátryggingarskírteini eða endurnýjunarkvittun.

9.2 Vátryggingarfjárhæðir breytast í samræmi við vísitölu neysliverðs.

10. Ákvörðun bóta

10.1 Dánarbætur

10.1.1 Látist vátryggður vegna afleiðinga slyss innan eins árs frá slysdegi greiðast dánarbætur á grundvelli þeirrar vátryggingarfjárhæðar sem var í gildi á slysdegi að frádregnum bótum sem félagið kann að hafa greitt vátryggðum fyrir varanlega örorku vegna sama slyss.

10.1.2 Ef vátryggður deyr af völdum slyss, þegar meira en ár er liðið frá slysdegi, en áður en

endanlegt örorkumat hefur farið fram, greiðast örorkubætur samkvæmt bráðabirgðaörorkumati, þó aldrei hærrí fjárhæð en dánarbætur mundu hafa verið.

10.1.3 Dánarbætur greiðast því aðeins að slysið sé bein og eina orsök að andláti vátryggðs. Ef sjúkdómur, veiklun eða sjúklegt ástand vátryggðs eru meðorsakir dauða hans greiðast engar dánarbætur. Þetta gildir hvort sem ástand þetta var til staðar þegar slysið varð eða skapaðist síðar, án þess þó að vera beinlínis og einungis afleiðing af slysi sem vátryggingin nær til.

10.1.4 Félagið á rétt á því að hinn látni verði krufinn til þess að leidd verði í ljós dánarorsök og annað sem máli gæti skipt um bótaábyrgð félagsins.

10.2 Bætur vegna varanlegrar læknisfræðilegrar örorku

10.2.1 Valdi slys vátryggðum varanlegri læknisfræðilegri örorku innan þriggja ára frá því slysið varð greiðast örorkubætur á grundvelli þeirrar vátryggingarfjárhæðar sem var í gildi á slysdegi.

10.2.2 Örorkuna skal meta í hundradshlutum samkvæmt töflum Örorkunefndar um miskastig, sem eru í gildi þegar örorkumat fer fram. Við ákvörðun örorkunnar ber ekki að taka tillit til starfs, sérstakra hæfileika né þjóðfélagsstöðu. Slyss sem eingöngu valda lýti skal ekki meta til örorku. Ef líkur eru til að ástand vátryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata, sem slíkar aðgerðir kynnu að hafa í för með sér. Sé áverka hins slasaða ekki getið í töflum Örorkunefndar um miskastig skal meta hann sérstaklega með hliðsjón af töflunum. Vegna 100% varanlegrar læknisfræðilegrar örorku greiðist öll vátryggingarfjárhæðin, en við minni örorku hlutfallslega. Örorkan getur aldrei talist meiri en 100%.

10.2.3 Ef missir útlíma, sjónar eða heyrnar er ekki alger bætist örorkan hlutfallslega. Ef útlimir eru algerlega ónothæfir telst það missir þeirra. Ef þeir eru að einhverju leyti nothæfir reiknast örorkan hlutfallslega.

10.2.4 Missir eða bæklun á útlím eða líffæri sem var ónothæft fyrir slysið gefur ekki rétt til bóta vegna varanlegrar læknisfræðilegrar örorku. Missir eða bæklun á útlím eða líffæri sem var bæklað skal metið til örorku með hliðsjón af bækluninni fyrir slysið.

10.2.5 Örorkan skal að jafnaði metin einu ári eftir slysið, annars þegar læknir telur að varanlegar

afleiðingar slyssins hafi komið í ljós, en þó ekki síðar en þremur árum eftir slysdag.

10.2.6 Leiði slys til varanlegrar læknisfræðilegrar örorku skulu félagið og vátryggður eða forsjármaður hans koma sér saman um einn hæfan matslækni til þess að meta afleiðingar slyssins.

10.3 Bætur vegna tannbrots

10.3.1 Félagið greiðir viðgerðir á heilbrigðum og vel viðgerðum tönnum sem brotna eða laskast við slys.

10.3.2 Greiðsla félagsins takmarkast við 5% af grunnvátryggingarfjárhæð örorku vegna hvers slyss og samanlagðar greiðslur vegna slysa á hverju vátryggingartímabili við 7,5% af sömu fjárhæð.

10.3.3 Félagið bætir þó ekki tennur sem brotna þegar vátryggður matast.

10.4 Félaginu er heimilt að láta ráðgefandi lækni skoða vátryggðan.

10.5 Félaginu er heimilt að afla sér upplýsinga um fyrra heilsufar vátryggðs að fengnu samþykki hans eða forsjármanns hans.

11. Breyting á skilmálum á vátryggingartímabili

Félaginu er heimilt að breyta skilmálum þessum á vátryggingartímabili, sbr. 133. gr. laga um vátryggingarsamninga nr. 30/2004.

12. Framsal

Vátryggður eða forsjármaður hans má ekki án samþykkis félagsins framselja réttindi sín samkvæmt vátryggingarsamningnum.

13. Upphaf og lok vátryggingarverndar vátryggðs

13.1 Ábyrgð félagsins gagnvart vátryggðum hefst þegar hann hefur verið skráður í félag sem fram kemur í vátryggingarskírteini eða endurnýjuanrkvittun, eða í starfsemi á vegum þess.

13.2 Ef vátryggingunni er sagt upp, hún ekki endurnýjuð eða fellur úr gildi vegna vanskila vátryggingartaka, fellur hún úr gildi gagnvart vátryggðum einum mánuði eftir að félagið sendi tilkynningu til vátryggðs um brottfall hennar.

14. Fyrning

Krafa um bætur fyrnist á 4 árum. Fresturinn hefst við lok þess almanaksárs þegar sá er kröfuna á fékk nauðsynlegar upplýsingar um þau atvik sem krafa hans er reist á. Krafan fyrnist þó í síðasta lagi á 10 árum eftir lok þess almanaksárs sem vátryggingaratburður varð.

Vátryggingarskilmálar þessir gilda frá 25. júlí 2018.